

NORA ARTE



NERE ADISKIDE ZAR ETA ON RAMON ARTOLA JAUNARI AMALAUDUN BAT

Al izatea baldin baneuka nere eskuan,
 Eingo nituken ala ez ere, eztakit nik,
 Gazte aldiko doai ederrak nere buruan
 Piztu erazi barrundik nola azaletik;
 Gaztetasunak berdiñik ez du ezer munduan
 Aginpiderik, itzaltasunik ez dirurik,
 Beste gauzarik ez duelako arrek goguan
 Poz, jostaketa, farra, irrintza ta besterik.

Gaztetasuna guzientzat da Udaberria,
 Giltza batekin nork al lezaken bera gorde,
 Ramon joana joanik dago ¡o! zeñ egia!
 Bakizu gure gaztetasuna non dan ere,
 Bakizu nondik noraño doan charko bizia,
 Gu noruntz, nola, joan da joan, nora arte.

*
 * *

BETI GAZTE



ROSARIO ARTOLA BERSOLARIARI AMALAUDUN BAT

Zorakeria diote dala anziñakoa,
 Urteak dauzka baña, kontuan erortzeko,
 ¿Nola etzayo zentzuz betetzen baña burua?
 ¿Zer du aiñ gichi urte askokiñ jakiteko?
 Gizaldi denak ikusi dute beti gaurkua,
 ¿Zer ote dauka illerikan ez elurtzeko?
 ¿Mundu au balitz bezela toki chit doatsua
 Lore ederrez bere burua estaltzeko?

Bustin izanda, urre irudi nai duen orri,
 ¿Nola da andre eta gizonak sinistzea?
 ¿Arrosategi deitzen badio lartegi oni,
 Baita kantatu bizitza dala chit luzea?
 Sei milla urtez baldin ezautu ezpadu ori,
 Zorakeria beti izango da gaztea.

*
 * * *

PREMIAK ERAGIN



NERE ADISKIDE ON JOSÉ ARTOLA JAUNARI AMALAUDUN BAT

Pepe, guretzat premia oi da eragillia,
 Uste etziran erabakiak artutzeko,
 Umetandikan zana pobre ta errukarria,
 Aberastuta maiz oi dalako gora jaso;
 Duda gaberik asmoz dalako arrigarria,
 Gau eta egun inoiz prest dago nekatzeko,
 Aurrerapenak ari diote gaur zor aundia,
 Beragatikan argitaratu diralako.

Baña ala ere gaiztoak baita oi ditu sortu,
 Kartzeletara beragatik da asko juan,
 Baita biguñdu argatikan da aski gogortu,
 Beartasuna utsik badakus inguruan,
 ¡Ay! zeinbat diran premian damuz ongi aitortu,
 Apaizarekin aitzena eldu dan orduan!

*
 * * *

ZORIONEKO AFARIA



NERE ADISKIDE RAMON ARTOLA GAZTERARI AMALAUDUN BAT

Doatsua dan Juan Inazio bart illuntzean
 Sorotik sollik kantuz zijoan echeratzen,
 Non illargiak egiten zion lagun bidean,